

Høyringsvar frå Stord kommune – Forslag om endring av forskrift om habilitering og rehabilitering, individuell plan og koordinator §3. Definisjon av habilitering og rehabilitering

Habilitering og rehabilitering skal ta utgangspunkt i brukerens livssituasjon og mål.

Kommentar:

Det er bra at brukarmedverknad er styrka i definisjonen. I samband med rehabilitering kunne dette forsterkast med: *Brukaren sine egne mål skal vera utgangspunkt for rehabilitering.* I høve habilitering og dei som har kognitiv nedsett funksjonsevne, kan det vera vanskeleg å definera brukaren sine mål.

Habilitering og rehabilitering er målrettede samarbeidsprosesser mellom bruker, pårørende og tjenesteytere og på relevante arenaer. Prosessene kjennetegnes ved koordinerte, sammenhengende og kunnskapsbaserte tiltak fra aktørene.

Kommentar:

Det er bra at *tidsavgrensing* er teke bort frå definisjonen, då både brukarar med utviklingshemming og brukarar med kroniske sjukdommar kan ha behov for livslange tiltak. I tillegg er det bra at det kjem klarare fram at det ikkje må vera samtidig, tverrfagleg behandling for at ein skal kunne definere hjelpa som habilitering og rehabilitering. Dette kan styrkje brukaren sin rett til å få den bistanden han/ho treng.

Formålet er at brukeren, som har eller står i fare for å få begrensninger i sin fysiske, psykiske, kognitive eller sosiale funksjonsevne, skal gis mulighet til å oppnå best mulig funksjons- og mestringsevne, selvstendighet og deltagelse i utdanning og arbeidsliv, sosialt og i samfunnet.

Kommentar:

Uttrykket: *skal gis muligheten til* kan gi ei oppfatning av brukaren som mottakar, meir enn aktiv aktør. Alternativt kan ein skriva: *skal kunne oppnå.*

Det er bra at det heilskaplege ved brukaren er med i definisjonen.

Generelt: Det er ofte forskjell på brukargrupper som har behov for habilitering og for rehabilitering. Stord kommune opplever at forslaget til justering av forskrifta dekkjer essensielle og viktige aspekt ved begge to.

Det er no 25 år sidan Ansvarsreforma vart avslutta og den største brukargruppa innan habilitering, personar med utviklingshemming, har endra seg sterkt etter dette, m a høgare levealder med dertil aldersrelaterte sjukdommar. For å kunne oppfylle ny forskrift kan det vera ønskjeleg med ei ny satsing på dette området, med fokus på noverande stode, kompetanseheving og øyremarka midlar til dette arbeidet.